

Акафист святой равноапостольной Марии Магдалине.

Кондак 1

Избрáнная Гóсподем к равноапóстольному служéнию, святáя Марíе Магдалíно, возлю́бленному ти Христú последовала еси́; тёмже пёсньми с любóвию восхваля́ем тя: ты же, я́ко имúщая дерзнове́ние вéлие ко Гóсподу, от всяких нас бед моли́твами твоими́ избáви, да с ра́достью зовём ти: Ра́дуйся, святáя Марíе Магдалíно, Сладча́йшаго Гóспода Иисúса возлюбíвшая.

Икос 1

А́нгелов Творе́ц и Госпо́дь сил, предуве́девый благо́е произволе́ние твоё, святáя миронóсице, от гра́да Магдалы́ избра́ ты, свободи́в от диáвольския сéти; ты же по сих вёрная служíteльница Гóсподеви явилáся еси́, ревнующи о прославлéнии Егó жити́ем и служéнием. Мы же, чудя́щися таковóму о тебé Бóжию смотре́нию, во умилéнии серде́ц зовём ти:

Ра́дуйся, Сы́ном Бóжим из тьмы диáвольския в чу́дный свет Егó призва́нная;

ра́дуйся, ми́ру все́му провозвёстницею си́лы Бóжия явльшаяся.

Ра́дуйся, душе́ю твоёю благода́тно обновíвшаяся;

ра́дуйся, си́лу вра́жию до́бре победíвшая.

Ра́дуйся, благода́тию Христóвою тéлом и дúхом до конца́ чи́ста пребýвшая.

ра́дуйся, с чистото́ю сёрдца и нищету́ духо́вную до конца́ сохрани́вшая.

Ра́дуйся, крёпкою véрою и тéплою любóвию ко Христú Бо́гу просия́вшая;

ра́дуйся, вёрно Тому́ да́же до сме́рти послужíвшая.

Ра́дуйся, пёрвее всех воскрéсшаго Христá узрети́ сподобíвшаяся;

ра́дуйся, а́нгельскою бёседою почтённая.

Ра́дуйся, про́поведь Ева́нгелия в сокрови́ще сёрдца своего́ вмести́вшая;

ра́дуйся, про́поведь Воскрéсения Апóстолом возвестíвшая.

Ра́дуйся, святáя Марíе Магдалíно, Сладча́йшаго Гóспода Иисúса возлюбíвшая.

Кондак 2

Ви́дящи святáя Мари́я себé от седми́ лю́тых бесóв избáвлену, все́м сёрдцем Победíteлю а́да Христú Бо́гу прилепíся, вся лю́ди науча́ющи

не усты́ то́кмо, но и всем жити́ем Бо́гу служи́ти, вопи́ючи То́му:
Аллилу́иа.

Икос 2

Ра́зум челове́ческий недоумева́ет, помышля́я, из каковы́я беды́ на
высоту́ ангелоподо́бнаго жити́я благода́тию Христо́вою возшла́ еси́,
достохва́льная Мари́е Магдали́но. Те́мже и мы, до́брую ты
предста́тельница иму́ще, мо́лимся тебе́ те́пле: изба́ви и нас от бездны́х
грехо́вныя, да любо́вию вопи́ем ти тако́вая:

Ра́дуйся, люта́го де́монскаго ра́бства избѣ́гшая;

ра́дуйся, лести́ лука́вых бесо́в я́ве обли́чившая.

Ра́дуйся, в напа́сти вра́жией ко Христу́ Бо́гу прибега́ти всех
научи́вшая;

ра́дуйся, грехми́ обременѣ́нныя не отча́яватися побужда́ющая.

Ра́дуйся, ко свя́тости всем грѣ́шником путь показавшая;

ра́дуйся, всемо́щную си́лу благода́ти Христо́вы позна́вшая.

Ра́дуйся, досто́йнаго Бо́гу благодарѣ́ния до́брая наста́внице;

ра́дуйся, и́стиннаго богохвалѣ́ния ве́рная учи́тельница.

Ра́дуйся, в жити́и твоѣ́м пра́вый путь земна́го течѣ́ния нам
показавшая;

ра́дуйся, ду́ши на́ша от лести́ сатани́нския защища́ющая.

Ра́дуйся, всем грѣ́шником пред Бо́гом благая́ засту́пнице;

ра́дуйся, во вся́кой ско́рби те́плая ко Христу́ на́ша ходатаи́це.

Ра́дуйся, свята́я Мари́е Магдали́но, Сладча́йшаго Го́спода Иису́са
возлюбившая.

Кондак 3

Си́лою божѣ́ственныя благода́ти, кúпно же и сво́им благимъ
произволѣ́нием, оста́вила еси́ дом отца́ твоего́, я́коже дре́вле Авра́ам, и
ра́достно послѣдовала еси́ Христу́ Бо́гу; те́мже мо́лим ты, учени́це
Христо́ва, сла́вная Мари́е, моли́твами тво́ими и на́ша сердца́ просвети́
любо́вию к Бо́гу, да и ны́не и прѣ́сно взыва́ем То́му: Аллилу́иа.

Икос 3

Иму́щи богодарова́нную ти премудро́сти си́лу, му́жески отвѣ́ргла
еси́, Мари́е Магдали́но, кра́сная сегó ми́ра и, я́ко учени́ца до́брая,
премно́гим милосѣ́рдием обни́щавшему за ны́ Сло́ву и́стинно
послужи́ла еси́. Сегó ра́ди и мы со умилѣ́нием глаго́лем ти:

Ра́дуйся, до́брая Христо́ва учени́це;

ра́дуйся, и́стинныя любве́ к Бо́гу наста́внице.

Рáдуйся, суету́ мiра сегó дóбре познáвшая;
рáдуйся, соблáзны егó мýжески отвéргшая.
Рáдуйся, красная мiра сегó ни во чтóже вмени́вшая;
рáдуйся, тем блаженства вéчнаго достíгшая.
Рáдуйся, для дел милосéрдия из дóму земнáго изшéдшая;
рáдуйся, Христóво милосéрдие zde и на небесí обрétшая.
Рáдуйся, чину́ йноческому дóбрый путь жити́я предпоказáвшая;
рáдуйся, всех ко Христóу Бóгу путевóдствующая.
Рáдуйся, мýдрая áгнице, от злых вóлков к дóброму пáстырю
Христóу прибéгшая;
рáдуйся, во двор словéсных овéц Егó вшéдшая.
Рáдуйся, святáя Марiе Магдали́но, Сладчáйшаго Гóспода Иисýса
возлюбíвшая.

Кондак 4

Бúря бесóвския я́рости превели́кою сiлою устремíся на храм души́
твоея́, святáя Марiе, но тогó испровéргнути не возмо́же: обрела́ бо еси́
спасéние на твёрдем вéры Христóвы камени, на нёмже ты, мýдрая
жéно, недви́жимо стоя́щи, учи́ши всех Всеблагóму Бóгу воспева́ти
песнь: Аллилу́иа.

Икос 4

Слýшашце, богомýдрая Марiе, я́ко в послéдовании Христóу обрела́
еси́ истинное весéлие сéрдца, правду, мир и рáдость о Дýсе Святе,
тщíмся и мы явiтися в лице причáстник Цáрства Бóжия. Тебé же, я́ко
причáстнице тогó сýщей и путь нам к нему́ показáвшей, рцем вси
таковáя:

Рáдуйся, небéсную Иисýсову слáдость познáвшая;
рáдуйся, райския снэди непрестáнно вкушáющая.
Рáдуйся, жизнь истинную во Христé обрétшая;
рáдуйся, тояжде óбраз и нам вёрно показáвшая.
Рáдуйся, огонь любвé к Бóгу в сéрдце твоём возжéгшая;
рáдуйся, в рáдости небéсней ны́не прiсно живúщая.
Рáдуйся, Христóм Бóгом возлю́бленная;
рáдуйся, Дýха Святáго пречестнóе жили́ще.
Рáдуйся, в бедáх нáших помóщнице;
рáдуйся, прилéжная о нас к Бóгу молiтвеннице.
Рáдуйся, Бóга Сло́ва всеусéрдная учени́це;
рáдуйся, нáша благáя и крóткая учiтельница.

Ра́дуйся, святáя Маріе Магдали́но, Сладча́йшаго Го́спода Иису́са возлю́бившая.

Кондак 5

Боготéчная звезда́, спúтствующи Христу́, сла́вная Маріе, посреде́ миронóсиц яв́илася еси́. С н́имиже н́ине в́ину предстоя́щи Святéй Трóице, и нас моли́твами тво́ими к священному́ тех ли́ку совокуп́и, путь те́мный жити́я нáшего свéтом тво́им озаря́ющи, да ра́достно возопи́ем Бо́гу: Аллилу́иа.

Икос 5

Ви́дящи, святáя Маріе, Христа́ Бо́га на Кресте́ ви́сяща, д́ивное му́жество показáла еси́: мно́зи бо от учени́к Учи́теля свое́го оста́виша; ты же, непреста́нными Божéственными уче́ньми ду́шу и мысль разже́гши, нéмощь естества́ же́нскаго превозмогла́ еси́ и та́ко причасти́лася еси́ спаси́тельней Христовой стра́сти. Сего́ ра́ди мы, сицевое́ твоё до́блественное му́жество зря́ще, прино́сим ти похвалы́:

Ра́дуйся, Христу́ Бо́гу, на Кресте́ ви́сящу, сострада́вшая;

ра́дуйся, явлéнием Его́ по Воскресéнии обра́дованная.

Ра́дуйся, непоколеб́имыя любве́ ко Христу́ нам путь показáвшая;

ра́дуйся, сицево́ю любóвию в предста́тельстве о нас к Бо́гу дерзнове́ние ве́лие обрётшая.

Ра́дуйся, я́ко тебе́ та́йная премúдрости Свое́я Бог яв́ил есть;

ра́дуйся, я́ко тебе́ и́стинному богослóвию Сам Бог Сло́во научи́л есть.

Ра́дуйся, жена́м добро́то и похвалéние;

ра́дуйся, па́че си́льных мужей́ крепча́йшая.

Ра́дуйся, му́дрых жен красото́ и удо́брение;

ра́дуйся, мудрецов́ ми́ра сего́ мудре́йшая.

Ра́дуйся, от бесо́в стужа́емым кре́пкое прибéжище;

ра́дуйся, христиа́н всех до́брое ра́дование.

Ра́дуйся, святáя Маріе Магдали́но, Сладча́йшаго Го́спода Иису́са возлю́бившая.

Кондак 6

Благода́тию Твоёю нéмощная врачу́еши и некре́пкия сосúды твёрды соделоваеши, Христе́ Царю́: миронóсицы бо жены́ у Креста́ Твоего́ му́жески предстоя́т и благода́ть крестную́ всем небо́язненно возвещáют; ли́цы же му́дрых жен, ликóм А́нгельским уподо́битися тща́щеся, бо́дренно в́ину взывáют Трóице Святéй: Аллилу́иа.

Икос 6

Взыскующе озаритися светом истиннаго богоразумия, егда Бóга на Кресте́ висяща видела еси́, глаго́лала еси́ слезящи, дивная Мари́е: «Ка́ко Жизнь смерть вольную ны́не прие́млет?» Мы же, сла́вное просвещение твоё благодатию Свята́го Ду́ха веду́ще, поём ти сицевая́:

Ра́дуйся, Христа́ распята от глубины́ души́ опла́кавшая;
ра́дуйся, веселие вечно́е в селениях небесных обрета́щая.
Ра́дуйся, нам о́браз до́браго пла́ча показавшая.
ра́дуйся, я́ко ты еси́ на́ше непреста́нное ра́дование.
Ра́дуйся, я́ко Христо́вым Страсте́м на земли́ о́бщница являеши́ся;
ра́дуйся, я́ко с Ним о Нем на небеси́ прославляеши́ся.
Ра́дуйся, враго́в безплотных крѣпкая победительнице;
ра́дуйся, истинная лозо́ виногра́да Христо́ва.
Ра́дуйся, всех скорбящих утешение неложное;
ра́дуйся, во всех ско́рбех на́ших ско́рая помо́щнице.
Ра́дуйся, я́ко всем христиа́ном воспомина́ние твоё пресла́дко;
ра́дуйся, я́ко всей Це́ркви Христо́вой и́мя твоё пречѣстно.

Ра́дуйся, святая́ Мари́е Магдали́но, Сладча́йшаго Го́спода Иису́са возлюбившая.

Кондак 7

Хотя́щи уразуме́ти Креста́ всепобедительную си́лу, до конца́ Христо́вой Стра́сти предстоя́ла еси́ у Креста́ Спа́сова со ины́ми жена́ми, пресла́вная Мари́е, Ма́тери же Го́сподни болѣзненно состра́ждущи, та́ко недоуме́нно вопия́ла еси́: «Что́ сие́ есть страна́нное чу́до? Содержа́й всю тварь пострада́ти изво́ли». Мы же на Живоно́сный Крест во́лею Возне́сшемуся любо́вию возглаша́ем: Аллилу́иа.

Икос 7

Дивная жена́ явилася еси́, блаже́нная Мари́е, любо́вию твоёю ко Христу́ Бо́гу: ту́ю бо го́рестными изъявляя рыда́ньми, ко Сня́тому со Креста́ припада́ющи, слеза́ми пречы́стыя я́звы Его́ омы́ла еси. Ещё́ же благообра́зному Ио́сифу и правдолюбиво́му Никоди́му послѣдующи, ко грóбу Спа́сову со ины́ми святы́ми жена́ми текла́ еси́, о́во пла́чущи, о́во пла́чущую неутѣшно Ма́терь Его́ Пренепоро́чную, Ёйже ду́шу лю́тое ору́жие про́йде, утеша́ющи. Мы же, такову́ю твою́ до́блесть веду́ще, смире́нно зыва́ем ти:

Ра́дуйся, пречы́стыя я́звы Христо́вы слеза́ми омы́вшая;
ра́дуйся, Ма́тери То́го Пренепоро́чней на Голго́фе сострада́вшая.

Ра́дуйся, Христа́ да́же до грóба не оста́вившая;
ра́дуйся, во гроб полага́вшуюся Жизнь недоумéнно зрéвшая.
Ра́дуйся, слезáм покая́ния на́ша до́брая учи́тельница;
ра́дуйся, те́ми слезáми грехо́вныя сквэ́рны омыва́ти нас
наставля́ющая.

Ра́дуйся, те́ми же се́рдце на́ше окаменéнное умягча́ти
побужда́ющая;

ра́дуйся, па́мятовати вѣ́ну Стра́сти Христо́вы нас навча́ющая.

Ра́дуйся, сла́вная Мари́е, ве́рная на́ша ходата́ице;

ра́дуйся, до́брая слуго́ Христо́ва.

Ра́дуйся, Го́сподеви, а не челове́ком угожда́вшая;

ра́дуйся, о́браз и́стинныя му́дрости нам показáвшая.

Ра́дуйся, свята́я Мари́е Магдали́но, Сладча́йшаго Го́спода Иису́са
возлю́бившая.

Кондак 8

Стра́нно, богому́драя Мари́е, яви́ся тебе́ погребéние всем жизнь
пода́ющего Жизнода́вца: Того́ любо́вию уязвля́ема, ещѣ́ су́щей тьме,
ко грóбу Его́ принесла́ еси́ ми́ро и слéзныя проли́ла еси́, я́ко аромáты.
Тéмже и пребыва́еши ны́не во благово́нных ра́я селéниях, со
А́нгельскими ли́ки взыва́ющи вѣ́ну Бо́гу: Аллилу́иа.

Икос 8

Весь сла́дость, весь ра́дость, весь жизнь тебе́ бысть Иису́с, свята́я
Мари́е: Того́ ра́ди, ви́девши ка́мень взят от грóба, Сего́ же не обрѣ́тши,
рыда́ющи текла́ еси́ к живóму ве́ры ка́меню Си́мону и друго́му, егóже
любля́ше Иису́с, ученику́, болéзненно глаго́лющи има́: «Взя́ша
Го́спода от грóба, и не вем, где положи́ша Его́». Ны́не же ты,
свободив́шися от ско́рби то́я, со Хри́стом вѣ́чно раду́ешися на небеси́.
Мы же земни́и в тако́вую ра́дость моли́твами тво́ими вни́ти ча́юще, со
умилéнием вопи́ем ти та́ко:

Ра́дуйся, сия́нием любвѣ́ тво́ея ко Хри́сту́ тьму но́щную
победив́шая;

ра́дуйся, о на́шем поми́ловании Того́ усéрдно прося́щая.

Ра́дуйся, нището́ю духо́вною Ца́рство Небе́сное стяжав́шая;

ра́дуйся, свѣ́том вѣ́чным на небеси́ осия́нная.

Ра́дуйся, я́ко по ско́рби о Стра́стехъ Христо́вых обрела́ еси́ обильное
утешéние;

ра́дуйся, же́но крóткая, наследни́це земли́ небе́снаго ра́я.

Ра́дуйся, алка́вшая и жа́ждавшая пра́вды Христо́вы, трапéзы небéсныя ны́не насыща́ющаяся;

ра́дуйся, ми́лостивая, ми́лость Влады́ки обрeтшая.

Ра́дуйся, ты бо ны́не, я́ко чи́стая се́рдцем, Бо́га лицeм к лицу́ зри́ши;

ра́дуйся, я́ко сподо́билася еси́ пе́рвее всех ви́дети Воскрeсeние Христа́, вeчнаго Ми́ра.

Ра́дуйся, изгна́нная пра́вды ра́ди Христо́вы, я́ко твоe е́сть Ца́рство Бо́жие;

ра́дуйся, приобре́тшая вeчное весе́лие и мзду мно́гу на небесéх.

Ра́дуйся, свята́я Мари́е Магдали́но, Сладча́йшаго Го́спода Иису́са возлю́бившая.

Кондак 9

Всяк чин А́нгельский удиви́ся вели́кой та́йне сла́внаго Воскрeсeния Твоего́, Христe Царю́, ад же притре́петен бысть, ви́дев, я́ко снизше́л еси́ в преисподня́я земли́ и сокруши́л еси́ вере́и вeчныя, содержа́щая связанны́я, Христe. Мы же ра́дости жен миронóсиц сорáдующе́ся, с весе́лием глаго́лем Ти: Аллилу́иа.

Икос 9

Ветий́ многовещáнных язы́цы не довлéют достóйно изрещи́ вели́кую скорбь твою́, сла́вная Мари́е, егда́ стоя́ла еси́ вне грóба пла́чущи. Кто бо возмо́жет рещи́ болeзнь души́ твоея́, егда́ не обрeла еси́ во грóбе па́че жи́зни своея́ возлю́бленнаго ти Го́спода? Прискóрбное се́рдце твоe не возмо́же внимáти утешeнию А́нгелов свeтлых. Сицеву́ю скорбь твою́ со умилeнием воспомина́юще, воспeваeм ти тако́вая:

Ра́дуйся, ви́дети Христа́ Иису́са в пещeру прини́кшая;

ра́дуйся, ны́не Того́ на Престо́ле сла́вы седя́ща зря́щая.

Ра́дуйся, преукрашeнный храм Ду́ха Всесвята́го я́вляющаяся;

ра́дуйся, свeтлых небожитeлей ещe сущи на земли́ узрeвшая.

Ра́дуйся, от тех глас ра́дости Воскрeсeния Христо́ва прии́мшая;

ра́дуйся, я́ко ты с ними ны́не при́сно радуeшися.

Ра́дуйся, во благоухáющую ми́ра Христо́ва воню́ сла́дце прите́кшая;

ра́дуйся, любóвию ми́ро Христу́ принeсшая.

Ра́дуйся, отвeргшая ра́достей ми́ра грехóвнаго гóречь;

ра́дуйся, от Ча́ши Христо́вы почeрпшая сла́дость.

Ра́дуйся, до́брая лeторасле са́да Иису́сова;

ра́дуйся, благопло́дная лозо́ вертогра́да Бо́жия.

Ра́дуйся, свята́я Мари́е Магдали́но, Сладча́йшаго Го́спода Иису́са возлю́бившая.

Кондак 10

Спасти́ хотя́ мир, во гроб снизше́л еси́, Безсме́ртне, а́дову разруши́л еси́ си́лу и воскресе́л еси́, я́ко Победите́ль, Христé Боже́, жена́м миронóсицам вещáвый: «Ра́дуйтесь». С ни́миже и мы ны́не песнь ра́дости прино́сим Ти: Аллилу́иа.

Икос 10

Стены́ ка́менные твёрдее бысть любóвь тво́я к возлю́бльшему тя Христу́, миронóсице сла́вная Магдали́но Мари́е: те́мже ви́дела еси́ пре́жде инéх Животá на́шего, из грóба возста́вша; вертогра́даря же Того́ непщевáла еси́ бы́ти и вопи́яла еси́ Тому́, забывши естества́ нéмощь: «А́ще Ты еси́ взял Егó, повéждь ми, где еси́ положи́л Егó, и аз возму́ Егó», но сла́достный Того́ глас показá ти Учíteля, нас же глашáти научи́ тебе́ си́це:

Ра́дуйся, и́стиннаго Вертогра́даря воскресе́ша пёрвее инéх узрэвшая; ра́дуйся, в вертогра́де небéсном водворívшаяся.

Ра́дуйся, грóздием Бо́жия благода́ти ны́не непреста́нно пита́ющаяся;

ра́дуйся, вино́м ра́йских ра́достей веселя́щаяся.

Ра́дуйся, я́ко тво́я любóвь к Бо́гу нéмощь естества́ победи́ла есть;

ра́дуйся, я́ко та́я и нас ре́вности Бо́жией научи́ла есть.

Ра́дуйся, из уст Христóвых вещáние Воскресе́ния пёрвее при́ймшая;

ра́дуйся, Апóстолом глаго́лы ра́дости пёрвее возвестívшая.

Ра́дуйся, вéчную ра́дость на небеси́ обрётшая;

ра́дуйся, я́ко ты и нас к той ра́дости тобо́ю зове́ши.

Ра́дуйся, я́ко о сем о нас к Бо́гу непреста́нно ходáтайствуеши;

ра́дуйся, я́ко Тому́ моли́твы о нас те́пле прино́сиши.

Ра́дуйся, свята́я Мари́е Магдали́но, Сладча́йшаго Го́спода Иису́са возлю́бившая.

Кондак 11

Ни еди́но же сло́во довлéет воспéти по досто́янию божéственную ра́дость Воскресе́ния Христóва, ю́же со ины́ми жена́ми, сла́вная Мари́е, Апóстолом возвести́ в сей нарече́нный и святы́й день, пра́здников пра́здник и торже́ство из торже́ств. Те́мже, пред вели́чием

неизречённых щедрот Твоих, Христэ Царю, на нас бывших, преклоняющеся, со смирением и любовью зовём Ти: Аллилуиа.

Икос 11

Светозарная звезда греховному миру явилася еси, Магдалино Марие, егда по славному Спасове вознесении, грады и веси преходящи и слово Евангелия всюду возвещаючи, многи подклонила еси под благое иго Христово. Достигши же даже до древняго Рима, мужески Тиверию кесарю предстала еси и тому мудрыми словесы живоносную силу Христа уяснила еси, лукаваго же Пилата и безбожнаго архиерея обличила еси. Таковому подвигу апостольства твоего дивящися, радостно вопием ти сице:

Радуйся, Христова учения славная благовестительнице;

радуйся, языческия тьмы светозарная прогонительнице.

Радуйся, гнева кесарева не убоившаяся;

радуйся, злобу и коварство врагов Христовых тому показавшая.

Радуйся, помрачение языческое дерзновенно обличившая;

радуйся, греховныя узы многих человек разрешившая.

Радуйся, заповеди Христовы добре уразумевшая;

радуйся, тем верно следовавшая.

Радуйся, образ твердаго стояния за правду Христову нам показавшая;

радуйся, Христовей мудрости всех научившая.

Радуйся, многия люди из тьмы неведения в чудный Христа свет приведшая;

радуйся, спасение душ грешников паче своей жизни возлюбившая.

Радуйся, святая Марие Магдалино, Сладчайшаго Господа Иисуса возлюбившая.

Кондак 12

Благодати от Бога изобильно исполненная, множество душ ко Христу привела еси, славная Марие: по сем же пришла еси во Ефес, идеже апостольски любовью со Апостолом любви спасению человек послуживши, блаженным успением ко Господу преставилася еси, Емуже ныне с многочисленными небесными певцы непрестанно поёши: Аллилуиа.

Икос 12

Поюще твоё достохвальное житие на земли и славу, яже на небеси, радостно славим, поём и величаем дивнаго во святых Своих Царя

Небѣснаго: занѣ не токмо самá ты, святáя Маріе, Того́ благодáтию, в селѣниих прáведных ны́не лику́еши, но и нас весели́ши на землі, оставивши нам многоцѣнныя мѡщи твоѧ, яже мѡдрый Лев царь из Ефѣса в Константінъ град пренести́ повелѣ. Тѧ, источáющія благодáть неоскѣдную всемъ любѡвию притекáющим, мы вѣрою и любѡвию лобызáюще, умільно воспевáем ти такováя:

Рáдуйся, на землі любѡвию ко Христу́ горѣвшая;

рáдуйся, на небесѣх в райскія обители́ Того́ вселѣвшаяся.

Рáдуйся, вѣрным твѣрдое заступлѣние;

рáдуйся, истѡчник исцелѣний неоскѣдный.

Рáдуйся, благовѡнное мѡро, Цѣрковь благоухáющее;

рáдуйся, сокровище́ Бѡжией благодáти неизживáемое.

Рáдуйся, кадильнице́ златáя, фимиáм молѣтвы о нас к Бѡгу непрестáнно принося́щая;

рáдуйся, я́ко ты и нам прѣяти́ рáдость, благодáть же и слáву непрестáнно ходáтайствуеши.

Рáдуйся, А́нгельских ликѡв вѣрная соучáстнице;

рáдуйся, небѣсных черто́гов слáвная житѣльнице.

Рáдуйся, я́ко мзда твоѧ мно́га есть на небесѣх;

рáдуйся, я́ко рáдость твоѧ вѣчна есть во обителехъ святѣхъ.

Рáдуйся, святáя Маріе Магдали́но, Сладчáйшаго Гѡспода Иисѡса возлюбѣвшая.

Кондак 13

О пречѣдное и предѣвное жен украшѣние, всемъ же христиáном похвалá и рáдование, Апѡстоломъ равная́ явля́ющаяся, мирно́сице слáвная Магдали́но Маріе! Ны́нешнее наше́ молѣние приѣмши, от всѧкихъ насъ бедъ и скорбей́ душе́вныхъ и телѣсныхъ и от врагъ вѣдимыхъ и невѣдимыхъ, на насъ находя́щихъ, избáви и к Цáрствию Небѣсному́ ходáтайствомъ твоѣмъ напра́ви всехъ, со умилѣниемъ и любѡвию поѡщихъ о тебѣ́ Бѡгу: Аллилу́иа.

Молитва.

О святáя мирно́сице и всехвáльная равноапѡстольная́ Христѡва́ учени́це Магдали́но Маріе! К тебѣ́, я́ко вѣрней и мѡщней о насъ предъ Бѡгомъ ходáтаице, грѣшнии и недостѡйнии ны́не усѣрдно прибега́ем и в сокрушѣнии серде́ц нашихъ мо́лимся. Ты в житіи́ своѣмъ стра́шныя кѡзни бесѡвскія испытáла еси́, но благодáтию Христѡвою́ я́вно техъ свободѣлася еси́; и насъ молѣтвами твоѣми от сѣти бесѡвскія избáви, да всегда́ во всемъ житіи́ нашемъ дѣломъ, слѡвомъ, мы́слию и та́йными

помышлѣніями сердець наших вѣрно послужим Единому Святому Владыце Богу, якоже Тому обещались есмь. Ты паче всех благ земных Сладчайшаго Господа Иисуса возлюбила еси и Тому чрез все житие добре последовала еси, Божественными учениями Его и благодатию не только свою душу питаючи, но и множество людей от тьмы языческаго ко Христа чудному свету приводящи. Сия убо ведуще просим тя: испроси нам у Христа Бога благодать просвещающую и освящающую, да, ею осеняеми, в вере и благочестии, в подвигах любви и самоотвержения преуспевати будем, да неленостно тщимся служить ближним в их нуждах духовных и телесных, твоего человеколюбия образ памятующе. Ты, святая Маріе, бодренно благодатию Божіею житие на земли претекши, во обители небесных радуясь отшла еси; моли убо Христа Спаса, да молитвами твоими сподобит нас непреткновенно совершити странствие наше в сей юдоли плача, в мире и покаянии скончати живот наш, да тако во святости на земли поживше, вечныя блаженныя жизни на небесі сподобимся и тамо с тобою и всеми святыми вкупе восхвалим Троицу Нераздельную и воспойм Единое Божество, Отца и Сына и Духа Всесвятаго во веки веков. **Аминь.**

Молитва иная.

О святая мирносице, равноапостольная Магдалино Маріе! Ты теплою любовью твоею ко Христу Богу злыя козни вражия попрала еси, и безценный бисер Христа обретши, Царства Небеснаго достигла еси. Сего ради к тебе припадаю умиленною душею, и сокрушенным сердцем вопию ти: призри с высоты небесных на мя, греховными искушениями боримаго: виждь, коль многими грехи и бедами на всяк день враг мя запинает, погубели моя иский. Темже, о славная и всехвальная ученице Христова Маріе, умоли возлюбленнаго тобою и возлюбившаго тя Христа Бога, да подаст ми оставление многих моих прегрешений, да укрепит мя благодатию Своею трезвенно и бодренно шествовати путем святых Его заповедей и храм Духа Святаго мя да соделает: да тако многотрудное житие мое на земли скончав, во светлыя и блаженныя обители рая небеснаго вселитися сподоблюся, идеже ты со всеми святыми радостно славословиши Единосущную Троицу, Отца и Сына и Духа Всесвятаго, во веки веков. **Аминь.**